

阜城縣志卷之二十二

藝文

詩歌

奏疏

入詞

昔葛稚川有云內之本不必皆珍末不必悉蕪
譬若錦繡之因素地球王之生蚌石雲雨出於
膚寸江河始於咫尺文章雖德行之弟未可呼
爲餘事也阜邑自古迄今藝文夥矣然兵燹之
餘散佚良多縱採輯收錄亦僅存什一於千百
耳然而炳炳麟麟單詞隻義皆有關於世道人
心型方訓俗非同夫草木榮華之飄風鳥獸好
音之過耳僅供一時之賞玩已也

袁翰

至聖先師孔子贊

并序

蓋自三才建而天地不居其功一中傳而聖人
代宣其蘊有行道之聖得位以綏猷有明道之
聖立言以垂憲此正學所以常明人心所以不
泯也粵稽往緒仰邇前徽堯舜禹湯文武達而
在上兼君師之寄行道之聖人也孔子不得位
窮而在下秉刪述之權明道之聖人也行道者
勲業炳於一朝明道者教思周於百世堯舜文
武之後不有孔子則學術紛淆仁義湮塞斯道

之失傳也久矣後之人而欲探二帝三王之
法以爲治國平天下之準其奚所取衷焉然則
孔子之爲萬古一人也審矣朕巡省東國謁祀
闕里景企滋深敬搗筆而爲之贊曰

清濁有氣剛柔有質聖人參之人極以立行著
習察舍道莫由惟皇建極惟后綏猷作君作師
垂統萬古曰惟堯舜禹湯文武五百餘歲至聖
挺生聲金振玉集厥大成序書刪詩定禮正樂
旣窮象繫亦嚴筆削上昭往緒下示來型道不
終晦秩然大經百家紛紜殊途異趨日月無踰

羹牆可晤孔子之道惟中與庸此心此理千聖
所同孔子之德仁義中正秉彝之好根本天性
庶幾夙夜勗哉令圖溯源洙泗景躅唐虞載歷
庭除式觀禮器搏正仰贊心焉遐企百世而上
以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱
牆高萬仞夫子之堂孰窺其簾孰窺其徑道不
遠人克念作聖

顏子贊

聖道早聞天資獨粹約禮博文不遷不貳

服膺萬德來萃能化而齊其樂一致禮樂四代
治法兼備用行舍藏王佐之器

曾子贊

洙泗之傳魯以得之一貫曰唯聖學在茲明德
新民止善爲期格致誠正均平以推至德要道
百行所基纂承統緒修明訓辭

子思子贊

於穆天命道之大原靜養動察庸德庸言以育
萬物以贊乾坤九經三重大法是存篤恭慎獨
成德之門卷之藏密擴之無垠

孟子贊

哲人既萎楊墨昌熾子輿闢之曰仁與義性善
獨闢知言養氣道稱堯舜學屏功利煌煌七篇
並垂六藝孔學攸傳禹功作配

奏疏

奏議

翰林

多象謙

邑人

謹奏爲痛革亡國黨與之習以正百官嚴絕中
外賄賂之弊以救萬民事竊見虞廷喜起首建
咎繇之律宣尼秉政先亟正卯之誅誠以母過
慈必有敗子興利百不如除害一也况濫觴舊

習深中靡靡可不急議于改革初哉我

皇上聰明天授入撫中夏兼之扈從諸臣率敦朴實
事必盡責務必親躬三年于茲矣而政化未臻
至治未奏者誠有大弊端在臣蒿目于心久矣
不得不急陳之其首在官邪也試言明弊門戶
公立東西兩林主之者如弋人張羅附之者如
青輿投棘借推挽之名以廣羽翼標聖賢之品
以高位置于是同之者立獲要路異之者百端
排擠不至膏鼎伏鎖未甘也外吏之遷轉例也
按司有舉劾之疏則激揚爲奇貨也銓部有大

急二選則銜缺爲囊橐也非貪酷者不足以資
暮夜之入而廉謹者必指爲迂懦不至投閒置
散不止也以致百爾臣工一入仕籍敲骨吸髓
民窮盜起國運隨之良可痛悼至于今日諸臣
經變革之餘復蒙

新朝殊恩不列亡俘咸加錄用正宜痛心疾首滌腸
革面爭自濯磨以圖大馬之報詎意積習如故
呼類復來借衣冠爲榮身之具而亦列朝參指
要津爲登壘之資而巧弄競求視官衙如傳舍
漫付書生部然趨利途如舍位商議朝政是

十日故事明日封聞昌敢言之名肆招搖之風
不歸于破敗之完局而不止則何也于已有世
誼親故者共獎其錚錚不倚之槩借爲奧援倚
爲鐵壁而察采之間復畏其險曰吾任其資
緣聽其播惡咸相望而鉗口矣三招集呼引打
樂苞苴非少知鼎愛者誰不依倚門牆以圖顯
榮與臣戚至此行且朝臣之憂是人之恩賚
朝廷有罰懼是人之威福是故閭閻脂血日供
有司之餽送富貴分贏其爲權臣之爪牙宮中
府中登其厥指在朝在野供其誅求至此欲收

拾之實難矣卽今南中梗化土賊蜂起皆謂新
朝舉動不異明時作亂爲難不肯向化豈知皆
若輩所爲哉臣謂今當急而治也先罰而後賞
一皆斷自

宸衷不令臣下得操其柄如議政也則建業之初不
得以舊制格之卽舊制當行亦酌乎時宜如議
人也不得以成格拘之卽成格當守亦必斟酌乎
國勢總之一朝有一朝令典一代有一代家法
任其參奏事務求實如其不然卽屬累詔嚴刑
峻誅以痛革舊日之耳目而漸易乎心志卽秦

所謂是古非今搖亂國是置之重典未爲非也
臣目經前朝之失與夫今日之弊有如此伏冀
採擇臣言不爲小宵所誤則民氣可復金甌可保
鴻業無疆矣

題請

多安

邑人

康熙

爲敬陳

憲鑒題

請以佐

聖朝慎刑盛治事條獻諸刻于後

奏疏

一分別輕重大監之內應分內外以幽僻深邃者爲內監以明敞近外者爲外監凡真正強盜傷人竊盜謀故鬪毆殺元兇首惡已經成招擬定斬絞重犯俱禁內監其軍流徒罪暫行稽禁俟詳發審結後再應死人犯俱禁外監未經成招之命盜重情首犯務使同案犯人分隔不得令聚一處致生弊端

一矜恤老幼廢疾凡年自七十以上十五歲以下及殘疾之人卽係命案等重情應禁者俱着收外監另與一房不得與各犯混處致有

欺凌

嚴刑男女凡婦人女子有犯姦盜命案應該
死罪雖法難輕貸然死生自有常刑男女豈
容無別若不嚴加防範而縱吏卒逼奸媾淫
破節喪恥法紀何在因將女監總門嚴加
封鎖門開一穴門內懸鑼一面門外懸柳一
個如有事呼喚傳遞物件則各擊柳鑼以爲
信其監中水火鍋竈家伙之類聽各犯帶
帶攜進倘離家寫還窮不能辦者該獄
官查明必需之物開單呈稟該府州縣印

以憑發銀置備給用該獄官尤須勤加
巡察如有吏卒潛匿于內及婦女潛出于外
者卽時呈報以憑究治

寒暑當恤人當嚴寒溽暑卽優游閒居猶苦
寒威暑氣相侵况罪人身被桁楊幽于圜土
之中乎身體髮膚固同受之于父母哀矜軫
恤應體好生之天心該獄提牢官嚴督獄卒
每日清晨將監房衙道灑掃糞穢遠置監外
每監口置缸一隻水盆大小二個多給水資
用再置小缸一隻夏給大麥湯冬給薑湯監

冬給草薦一條照例各給厚棉襖一領使犯
人下獄法之外不添極寒極熱之慘蓋予法
無可貸之中寓萬分不得已之意所謂法有
盡而仁無窮也

一醫治疾病凡犯人有病無論輕重罪囚俱另
置一屋固便醫治且使各犯不致沾染初發
之時該獄官卽請良醫進監該獄提平官同
該醫士親至病犯之處囑令醫士細心診看
將病源脉氣陰陽表裏明立醫案隨其病之
宜消宜散宜下宜解對病用藥不得任醫士

畏縮拘套僅以板方湯頭塞責了事尤須專
撥獄卒一名與病犯炤方煎藥服侍傳遞湯
水凡係危疑症候而能調治痊愈者每一犯
該獄提牢官醫士獄卒各記功一次不能痊
愈者各記過一次于歲終考核有十功而無
一過者優行獎賞有過而無功者重加飭懲
違例致多斃人命者照例揭究

一定囚糧等數見在監人犯每人日給米一升
鹽菜柴火錢十文并各給大木碗二個竹筴

一雙內監置籠一副鋪二口什物俱全計人

犯多少撥獄卒一名或二名常川承煮飯菜
按月一輪每日三餐于辰申二牌時候飯菜
煮好該獄卒卽擊梆一通衆獄卒卽將飯菜
攜置該犯處所開其手杻令食食畢上杻女
監外監亦照置鍋竈什物聽各犯自行煮食
有上杻重犯亦照前獄卒煮好給食凡鍋竈
什物該獄提牢官親爲安頓統籌錢米親自
給散毋得任胥役剋扣短少并不時巡察嚴
戒力勸各獄卒留心承值毋失時毋穢食毋
生冷倘各胥卒有甘心爲惡忍行欺剋怠玩